

Koblenzer Mundart

„Ballewutz“ X

Ons Moddersproch es wärklich klor,
flitzt monter von der Zung.
Se zehlt bereits 2 dausend Johr
on hält sich emmer jung.

Sulang et neue Schängel get,
ons „Platt“ nte onnergieht.
Die Modder get dem Kend dat met,
als „Schatz“ en Wort on Lied.

Ons Moddersproch, verloßt euch droff,
die holle mir en Schutz.
Ein Wort fällt manchmol ulkisch off,
zomm Beispill „Ballewutz“.

Su nennt mer bei ons dä Frisör
schuns seit urahler Zeit.
Dat es dä Mann met Kamm on Schehr,
em weiße Kittelkleid.

Et Schängelche, dä seße Schatz,
watz emmer beim Frisör.
Dä Meister flachst: „Dau Bullewatz“!
do meld' sich flott dat Klär:

„Mein Bröderche es zwar en „Watz“
lewer Hehr „Ballewutz“,
bluß, „Bulle“ paßt net zo dem Schatz!
Paßt euch vielleicht die „Wutz“??

Katharina Schaaf

15. Febr. 1974